



Ancje se par tancj chel de ortografie al somee un grop tant dûr, in realtât nol è tant dificil e a son avonde struments par imparâ a scrivi just. Ca sot une **piçule liste di “racomandazions”**:

- La **Grafie Uficiâl de Lenghe Furlane**, publicazion dal OLF, tu puedis tirâle jù in formât PDF
- **Scrivere in Friulano**, di *Paolo Roseano* e *Anna Madriz*, publicât de Societât Filologjiche Furlane, tu lu cjatis in librarie o li dal editôr
- **Cors di Grafie Furlane**, di *Sandri Carrozzo*, publicât de SERLING, tu lu cjatis in librarie o li dal editôr
- **DOF - Dizionari Ortografic Talian-Furlan/Furlan-Talian** (ancje te version economiche DOF piçul), di *Sandri Carrozzo*, publicât di INFORMAZION FURLANE e SERLING, tu lu cjatis in librarie o li dai editôrs, tu puedis ancje consultâlu in linie: tu cjatis il leam ca in bande te nestre ostarie
- **COF - Coretôr Ortografic Furlan**: tu cjatis il leam ca in bande te nestre ostarie e in linie si pues doprâlu a gratis. Doprilu simpri!

Chescj a son i imprescj principâi, ma di là di chei al covente cualchi consei psicologjic, che in realtât o vin za dât ca **tal cjanton dal camarîr di Contecurte**:

- 1) fevelâ e scrivi a son dôs robis une vore diferentis, no stâ a pensâ che scrivi al sedi “naturâl” nol è cussì par nissune lenghe
- 2) no stâ a maraveâti se in principi tu fasis tancj erôrs e se ti puedin coventâ tantis oris par

imparâ a scrivi coret par furlan: tropis oris no ti àno fat esercitâ par scrivi in maniere corete par talian cuant che tu jeris frut/e?

3) no stâ a jessi pegri e mecanic: i struments a son dome struments, ma tu sês tu che tu scrivis, no lôr, alore impegniti a capî lis regulis e dopre ce che tu âs a disposizion cun sintiment.